

Tuba

Ik ken 'n megje dat woj danse
ik ken 'n megje dat woj danse
de ganse oavend lang
van links nar rechts oaver de dansvloor
op en neer oaver de dansvloor
vur niks en niemand bang
iederien numde d'r Tuba
iederien numde d'r Tuba
want ze dreunde nogal door
als Tuba kloar waas um te walse
als Tuba kloar waas um te walse
stong d'r niemand op de vloor

want als Tuba ging walse
dreide 't ganse café
de ganse oavend woj ze walse
al ging 't behang van de moor
Tuba die dreide mar door

op enne oavend nar 't eate
'k zal 't mien leave neet vergeate
ze kos neet stoppe, bleef mar dreie
steeds harder ging ze rond
vur de oege van de minse
vur de oege van de minse zakte Tuba in de grond
ze zakte langzaam dor de dansvloor
ze zakte langzaam dor de dansvloor
en ze ging umlieg
allien 'n gaat dat is gebleve,
allien 'n gaat dat is gebleve
en 'n burdje woar op stiet:

want als Tuba ging walse
dreide 't ganse café
de ganse oavend woj ze walse
al ging 't behang van de moor
Tuba die dreide mar door

noeit kwaam Tuba mier boave
Tuba kwaam noeit mier terug
in de aarde begrave
begrave deep onder de grond
dreit ze nou hiel langzaam rond

[Traditional, bewerking en tekst: Jack Poels]

[cd 'Blieve loepe', HKM 1990]